

# Kein Tag, Kei Nacht

## Behind The Lyrics

Es isch woahrschijnlijk de persönlichsti Song uf dere EP. En schwere Chrankheitsfall ide Familie het min Glaube und mini Hoffnig ufd Prob gstellt. Monatelang isch für heilig betet worde und (schinbar) nüt isch passiert. Glichzeitig list me im neue Testament wie Jesus reihewiis Lüt heilt, eis Wort und me isch gsund.

Es gäbt unzähligi witeri Bispiel wos für üs Mensche unverständlich isch, worum Gott nöd igrift und Sache eifach zueloht. Und genau i dem inne mümmer üs bewusst mache, dass Gott trotzdem die voll Kontrolle het. Er het dis Liid gseh, Er weiss um dini Ängst, Er fühlt din Schmerz. I sotig Moment chan die Zuesag, dass de allmächtigi Gott dich und mich gseht, unglaublich viel bewürke. Obwohl sich d Umständ us üsere Sicht vilicht nöd verbessert hend, chömmer üs dra festhebe, dass Gott, de Herr üs NIE allei loht!

*“Und sie nannte den Namen des HERRN, der mit ihr redete: **Du bist ein Gott, der mich sieht.** Denn sie sprach: Gewiss hab ich hier hinter dem hergesehen, der mich angesehen hat.*

– (1. Mose 16:13)

Au musikalisch isch de Song probably de emotionalst. Es sind sehr atmosphärischi Kläng mit grosse Drums, fette E-Gitarre und gfühlvolle Vocals. D Strophene sind eher uf de persönliche Ebeni gschribe und sind grundsätzlich es Gebet, während de Chorus id Mir-Perspektive wechslet und Gott is Zentrum stellt. Ide Bridge gohts denn ganz klar um Heilig. Mir gebed üsen Glaube nöd uf, dass Gott heilt und üs möcht frei mache vo Chrankheit, Angst und Depression. AMEN!